

## ***U' Re povireddu***

Vinisti pi' stari 'nmenzu a' nui  
figghju di Diu Patri e di Maria,  
nascisti 'nta lu friddu di na stadda,  
ti riscardaru n'asinu e nu boi ,  
pusatu 'nta madia cu' la pagghja.  
Putivi viniri cu' cavaddu jiancu,  
vistutu megghju du re Salomuni,  
inveci ti facisti povireddu  
pi' fari di nui tanti patruni.  
Passasti 'nta stu munnu predicannu  
u' Vangelu di lu sarvamentu :  
*"Cunvirtitivi e criditi 'o me' diri  
sa' vostra anima vuliti sarvari"*.  
No ti crideru i tristi capucciuni,  
no vosuru pigghjari 'i to' paroli,  
anzi fusti mattrattatu , flaggillatu  
e puru in cruci sullivatu.  
Ma tu dopu tri jionna 'i sipultura  
risuscitasti chinu di splinduri  
dicennu puru cu' 'ran firvuri :  
*"Jò sugnu u' vostru Ridinturi"*.  
Arricòddati di nui svinturati,  
chi sulu di tjia, Signuri, saremu sarvati.